

**Saksframlegg****Reglar for tilskot frå Fyresdal kommune - endring**

Utval	Utvalssak	Møtedato
Formannskap		
Kommunestyret		

Endeleg vedtaksrett i saka har: Kommunestyret**Dokument i saka:**

Gjeldande reglar for tilskot frå Fyresdal kommune

Vedlegg:

- 1 Framlegg til nye reglar for tilskot frå Fyresdal kommune

Bakgrunn for saka:

I gjeldande reglar for tilskot frå Fyresdal kommune står det at reglane for tilskota skal rullerast seinast innan utgangen av 2016. Også i budsjettinnsparringssaka som vart handsama i kommunestyret i september 2015 vart det presisert at ein skulle gå gjennom desse reglane for om mogleg å redusere utgifter.

Kommunestyret satte difor ned ei arbeidsgruppe i november 2015 som har vore samansett av 2 representantar frå Senterparti og 3 representantar frå Arbeiderpartiet. Administrasjonen har vore sekretær i dette arbeidet.

Vurdering:

Saka er vurdert ut frå følgjande mål i økonomiplanen for 2016 – 2019: ... oppretthalde den økonomiske handlefridomen.

Arbeidsgruppa har gått kritisk gjennom dei ulike delane av reglane for tilskot med bakgrunn i at den økonomiske situasjonen for kommunen har endra seg og at ein difor vil måtte redusere utgiftsnivået. Arbeidsgruppa har kome fram til ein vesentleg reduksjon i reglane, der fleire tilskot er strokne og ein har kome med innstrammingar på andre.

I tillegg har ein teke inn reglane for tilskot til oppkøyring av skiløyper, då ein vil samle alle tilskot i eit dokument.

Arbeidsgruppa har framlegg om å stryke fylgjande tilskot:

- Vøling av eldre heilårsbustader.
- Private vassanlegg.
- Tilskot til bygging av heilårsbustader.

Ein ser ikkje at tilskot frå Fyresdal kommune vil vere avgjerande om tiltak her blir realisert eller ikkje.

Det er også foreslått endringar i tilskot til:

- Private vegar

- Den faste delen av tilskotet vert teke vekk og det blir innført ein eigenandel pr. husstand langs vegen.
- Lønstilskot til sommararbeid for skuleelevar.
 - Aldersgruppa vert redusert med eit år.
 - Antall timar reduserast til 150 timar i månadane juni, juli og august.
 - Ein må vere skuleelev både vår- og hausthalvåret.

Når det gjeld tilskot til miljøtiltak er dette oppretthalde som før.

I fylgje rekneskapen har utbetalingane etter desse reglane vore i overkant av ein million kroner dei seiste åra, med innstrammingane som her er føreslege har ein ei forventning om at utgiftene vil reduserast med godt over ein halv million kroner årleg.

Konklusjon:

Arbeidsgruppa for gjennomgang av reglar for tilskot frå Fyresdal kommune har kome med eit framlegg som er i tråd med bestillinga. Dei årlege utbetalingane vil bli vesentleg redusera, samtidig som ein opprettheld tilskot, i noko begrensa grad, som har klar distrikts- og næringspolitisk profil.

Innstilling frå rådmannen:

Vedlagte reglar for tilskot frå Fyresdal kommune vert gjort gjeldande frå 1. januar 2016. For innvilga tilsagn gjeld gamalt reglement.

Ketil O. Kiland	
rådmann	Kjersti Bergland
	kommunalsjef økonomi og fellestenester